

QX 551(11)

X 1876202

II i  
3644

Engentliche Relation,  
**Was sich für ein herrlich**  
Mirad/next vergangen Monat Nouembris,  
diß lauffent 1601. in vnser L. Frawen Kirch  
zu München begeben.



Gedruckt zu München/durch Nicolaum Henricum/  
Im jar/ als man zähle

M. D C I I.



*Epigramma*

IN S. BENNO-  
NEM EPISCOPVM.

*Dum mortalis eras, miracula multa patrabas,  
Cum superis regnans edere plura vales.  
Ne dubitet quisquam, loquitur res ipsa, palamq̃  
Munera, vota, preces, publica fama docent.*







Am 21. Nouembris / Anno Domini  
1601. erschine in vnser Frawen Stiffte  
vnd Pfarzkirchen alhie in München/  
ein ehrliche Weibs Person / namens  
Agatha Obermarzin von Wessens-  
brunn / Landsperger Gerichts / Aug-  
spurger Bistumbs / so etlich Jar her bey Herrn Wolff  
Bischer seligen / Fürstl: Durchl: in Bayern gewestem  
Musico vnd Sängley verwohnten: Mit weniger auch  
bey Herrn Alexander Hundertpfunde zu Wallstatt/  
deß Innern Rathß alhie / gedienet / vnd sich / menig-  
lichß wissen / jederzeit from: ehrlich vnd wol verhalten.

Gemelte Person zaigt an / wie sie seyde nechst ver-  
gangen Pfingsten / einen vber auß hefftigen schmerzen/  
daß sie weder tag noch nacht kain ruhe haben künden/  
(reuerenter zumelden) an dem lincken schenckel gehabt/  
vnd wäre lestlich durch ansehnlicher leuth fürbitt / in  
das Fürstlich Hof Spital eingenommen worden / allda  
sie in die 14. wochen / sehr vbel auff / gelegen / auch an ei-  
ner frucken nicht wol gehen künden / biß man ihr lestlich  
einen hilgen Fuesß verordnet / den sie mit einem gurt vmb  
den leib binden müssen / vnd ihr doch auch fast beschwer-  
lich gewesen.

Vnd ob wol die Edel: vnd Hochgelehrten Herren  
Medici, D. Doctor Thomas Merman, D. Doctor  
Adamus Faber, beyde Fürstl: Durchl: in Bayern  
Rath / vnd diser gemeltes Hofspitals verordneter Me-  
dicus, samit Herrn Doctoris Mermannis substituten,  
M. Georgio Gretz, vnd Hans Georgen Hoffsteter /  
Wundtärzten / alle gebürliche mittel vnd remedia, dis-  
se lange zeit möglichist vleiß gebraucht / hab doch nichts  
erspriessen wollen / vnd sey ihr der Schenckel lestlich eben



gar ertodtet / daß kein empfindlichkeit mehr / do man ihn  
schon scarificiert, geschnitten / gestochen / ja auch gar  
blatern gebrent / sonder einem vnempfindlichen Bret  
vnd Holz gleich gewesen / also / daß sie sich (weil sie je  
kein andere hilff mehr zuhoffen gehabt) williglich dar-  
eyn ergeben / den Fuß vnter dem Knye abnehmen zu-  
lassen / daruon sie aber die Herren Medici, mit gueten  
worten abgehalten / zur gedult vermohnet / vnd ein wars  
mes Bad auff künsttigen Sommer zugebrauchen fürs  
geschlagen.

Nach dem sie aber vngefährlich vmb Simonis vnd  
Iudæ Apostolorum, bey Herrn Ernesten Gassner /  
Fürstl: Durchl: in Bayern / Herzogen Ferdinanden /  
Haußmaistern zu gast gessen / sey ihrer müheseligkait /  
vnd von S. Bennonis Wunderthaten / deren man ihr  
etliche / auß seiner Histori fürgelesen / zu red worden /  
welches sie inbrünstiglich / mit vil seuffzen / nassen aus-  
gen / vnd auffgeheben händen angehört / vnd lestlich  
gesprochen: Sie wöll sehen / so bald es immer möglich /  
daß sie Gott dem Allmächtigen ein H. Opffer thue /  
vnd in der ehren S. Bennonis, in vnser Frauen Kirch /  
auff dem Creutz Altar / wo man an den hohen Festen /  
gemeltes Heiligen Reliquien vnd Haylthumb zaigt /  
ein Meß lasse lesen / ob ihr doch Gott der Allmächtig /  
durch des H. Bischoff Bennonis fürbitt helffen möchte:  
welches sie aber fast in die dritte Wochen verschoben /  
vnangesehen ihr immerzu im sinn gelegen / sie soll jr vors  
haben zu werck ziehen vnd verichten.

Derwegen sie den 19. Nouemb: An: &c. vt sup:  
einen Priester bey vnser lieben Frauen / Dominum  
Leonhartum Harzer bestellt / zu ihrem gotteseligen vors  
haben vnd intent, den 20. gemeltes Monat / ein Meß  
gehalten /



gehalten / darauff sie frühe dem Ehrwürdigen Herrn  
Carolo Leopolden, der löblichen Societet Iesu Prie-  
diger vnd Theologo gebeichtet / vnd in vnser L. Fra-  
wen Kirch / neben etlich: ansehnlichen Frauen / deren  
Namen hernach folgen / so sie zu beyständt vermög / der  
gefrimbden Weß andächtiglich beygewohnet / vnd mit  
ihrem hilgen Fues / sambt ihren beyständen zwaymal  
gen Opffer gehuncken.

Als sie aber das ander Opffer verricht / vnd zu ruck  
getretten / sey etwas wie ein dunst vnd Schwindel auff  
sie gefallen / darob sie fast erschrocken / nider gesuncken /  
vnd sich nicht recht mehr verwüst / doch lestlich mit der  
Frau Gassnerin wider in ihren vorigen Stuel komen /  
alsbald hab sie (reuerenter zumelden) die Behen rühren  
künden / des Fues vnd wärme darinn wol entpfunden  
vnd den auffzulösen gedacht / aber vor zittern vnd frolo-  
cken nicht künde / derhalben sie von wolgemelter Frau  
Gassnerin ein Messer begert / die Bandt auffgeschnit-  
ten / den hilgen Fues hinweg gelegt / auffrecht stehen /  
zur Wandlung nider knyen / vnd zum Altar hinauff /  
aus des Priesters händen / das Hochw: Sacrament  
zuempfaben / als wann ihr nichts mehr gebreche / geen  
künden / vñ also vnuerhofft fast augenblicklich / an Seel  
vnd leib gesündt worden.

Dem Allmächtigen sey für seine grosse Gnad / vnd  
augenscheinliche Wunderwerck / so er an diesem armen  
brechafftigem Menschen erzaiget / auch dem H. Bischoff  
Bennoni / omb sein ersprießlich fürbitt / ewigs Lob / Ehr  
vnd Preis / Amen.



Daß sich alles / wie fürzlich erzehlt worden / also  
verlossen / bethewret benante Agatha Obermayrin an  
Ayds statt / vnd hat zu zeugen genommen vnd fürgestellt/  
nit allein die oben wolgemelte Herrn Medicos, in deren  
Cur sie gewesen / deßwegen dann auch ihr excellentz  
Handschrift vorhanden / sonder zumaln die tugentsamē  
Frawen / Anna Gäßnerin / Anna Rheprunnerin / Pfler-  
gerin in obgemelten Fürstl: Spital / Sybilla Gant-  
nerin / zc. vnd zum warzeichen / hat sie das hilgen instrus-  
ment / so sie zu ihrem fueß gebraucht / bey S. Bennonis  
Hailthumb auffgehencft vnd verlassen / so menigklich  
sehen kan.

Dise aussag ist den 9. Decemb: auff ein newes (weil  
man es kurzumb im Truck haben wöllen) in vnser L.  
Frawen Stiffkirch / zu mehrberührten München ges-  
schehen / in beysein DD. Sebastiani Frantzen, Theo-  
logix Licentiati, Decani, Henrici Anslæi, auch  
Theologix Licentiati & Canonici Monacens: M.  
Vvolfgangi Stromayr / cooperatoris senioris, Leon-  
hardi Harzers Leuitæ ibid: M. Sebastiani Klein / ges-  
schwornen Notarij, vnd anderer ansehnlicher Leut-  
mehr / Wie dann fast die ganze Statt allhie  
vmb solch Miracl gut wissen hat /  
vnd im fall zeugnuß  
geben kan.

Cum licentia superiorum,



**D**em guthertzigen Leser kan man nit verhalten/  
daß sich noch mehr ansehlich: vnd erbare Pers  
sonen / seyt diser zeit / mit stattlichen zeugnuß:  
vnd kundtschafften angemeldet / denē Gott der almäch  
tig / durch das fürbitt deß H. Bischof Bennonis, nach  
ihrem glauben vnd inbrünstig: Christlichem vertrauen/  
miraculosè vnd wunderbarlicher weiß / an vnterschied  
lich: schweren frantckhaiten vnd gebrechen warhafftig  
geholfen / so allberait mit gnugsamen vmbständen vers  
zeichnet / vnd wann nun die geistlich hoch Obrigkeit zu  
Freising / vnser gnedigster Fürst vnd Herz ordinarius,  
( wie billich ) dise newe Miracl auch recognoscirt vnd  
approbiert hat / sollen sie / auffß längst zu S. Bennonis  
Fest / welches alle mal in dem Monat Iunio gehalten  
wirdet / außführlich in offen truck verfertigt werden /  
daß sich menigklich / der fürnemmen werck Gottes / sons  
derlich zu disen vnsern lesten / müheseligen zeiten zuuers  
wundern / dem Almächtigen für seine grosse wunderthas  
ten demütigist zudancken / vnd darneben Christlich zu  
gemüt zeführen habe / wie hoch er in seinen Heylis  
gen / die ewig mit ime leben / vnd embsig für  
vns bitten / zuloben / zuehren  
vnd zupreisen sey.





AK Th. 3644

Faint, illegible text, likely bleed-through from the reverse side of the page.

107





QX 551(11)

Was  
Mirac/nech  
diß lauff



Gedruck

II i  
3644

rsich

membris,  
irch



nricum/

